

MEYI 2017

**24-hour Emergency Fire Brigade** 028 313 8000/8111  
028 312 2400

# Bulletin

**Incwadi ethunyelwa amalungu e-Bhunga le Overstrand esesikweni**



## I-GANSBAAI IZA KUZUZA KWIZIGIDI EZI-R8,4 ZOPHUCULO LOBONELELO NGAMANZI

Uphuculo lobonelelo ngamanzi eGansbaai olulindelwe ngamhlo abomvu luqalile kwaye ukuba izinto zihamba ngokwezicwangciso le projekthi izakugqitywa phakathi kuJuni walo nyaka.

Izigaba ezibini zokuqala zale projekthi zagqit-

ywa ngowama-2010 nangowama-2015 ngokulandelelana.

Ukwakhiwa kwesigaba sokugqibela kuquka imibhobho ye-PVCO ezi-2 km ebukhulu bungama-355 mm eya kwidama elikhulu eliseGansbaai.

Uphuculo lombhobho wobonelelo ngamanzi oluhamba ngokwezicwangciso olusuka kwiZiko loNyango-manzi eFranskraal lusiya kwidama elikhulu laseGansbaai luyimfuneko ukuqinisekisa ukuba amanzi aneleyo acociweyo aya eGansbaai ukubonelela ngamanzi inani labantu elikhulayo.

Umbhobho uza kuhamba ngendlela ohamba ngayo lo ukhoyo udlule kwiindawo ezingaphuhlisiwanga ukusuka kwindlela uR43 udlule kwisiza sokulala inkunkuma saseGansbaai uye kwidama lamanzi elikhulu.

Inxalenye yombhobho wamanzi okwisitrato iBuitenkant nayo iza kuphuculwa njengexalenye yeprojekthi. Ukuphazamiseka kokuhamba kwezithuthi nobonelelo ngamanzi kule ndawo kuza kucuthwa kakhulu.

Isaziso malunga nokuphazamiseka kwamanzi okucetywayo siza kukhutshwa ubuncinane iiyure ezingama-48 phambi kokuvulwa kweevalvu ezichaphazelekayo. (Ummeli wenjineli ekwisiza ingafonelwa ku-082 925 2258 kubuzwe kuyo nantoni na.)

### Qaphela:

- Idama iKraaibosch libonelela ngamanzi umamandla waseGansbaai ngokubanzi kuquka iGansbaai, iKleinbaai, iFranskraal neUilenkraalsmond. Amanzi anyangwa ngokwaneleyo kwiZiko lokuCocwa kwaManzi eFranskraal.
- Ubonelelo ngamanzi lukaMasipala waseOverstrand avela kwidama iKraaibosch lusanele ukujongana neemfuno zamanzi zale minyaka izayo i-10 ukuya kweli-15. Kukwangokunjalo nakumandla eZiko lococo-manzi laseFranskraal. Nalo likwazanele limfuno eziqikelelwayo zexesha elizayo.

## AWUNANXIBELELWANO NOGUTYULO-LINDLE?

Abanimizi abane-septic tanks aban-GAKWAZIYO ukunxibelelana nobuxhakaxhaka bogutyulo-lindle bangenza isicelo sokugqulwa kweentlawulo zabo ukususele ukuqala konyaka-mali wase-Overstrand (1 Julayi) phambi kowama-30 Septemba; okanye kusakuba kho inguqu kwimeko yokuhlala kwiripathi.

### Okokugala:

Ungahlawula intlawulo esisiseko engama-R78,65 nentlawulo yobuxhakaxhaka ezii-R10,94 kuphela ngenyanga, wazi ke ukuba qho xa inqwelo yokufunxa ifuniwe intlawulo iza kuba ngama-R537,09 nge-6kl nganye okanye ngenxalenye yayo (ngexesha lomsebenzi, okkt. ngeentsuku zveki phambi kweye-15:00) okanye i-R1074,18 nge-6kl nganye okanye ngenxalenye yayo (emvakweeyure zomsebenzi) ngokufunxa.

### Okwesibini:

Ungahlawula intlawulo esisiseko eli-R116,74 wongeze i-R13,14 nge-kl nganye yamanzi asetyenzisiweyo ngenyanga, isekelwe kuma-35 kl ngenyanga (70% of 50 kl), kudityanise nentlawulo yobuxhakaxhaka eli-R10,94 ngenyanga eza kwenza ukuba ube nelungelo lokubiza inqwelo zokufunxa ilindle ngexesha lomsebenzi ungahlawuli ngokuthe chatha. Ngokwendlela yokuqala elapha ngentla zonke izicelo ezenziwa emva kweeyure zomsebenzi zihlawulelwa i-R1 074,18 nge-6kl nganye okanye ngenxalenye yayo ngokufunxa.

Nayiphi na imibuzo malunga noku kungenjalo ingathunyelwa kwi-ofisi iOverstrand's Rates and Data Control kwifoni 028 313 8000 okanye nge-imeyile: enquiries@overstrand.gov.za.

*Nceda uqaphele: Amaxabiso anikwe apha aza kusebenza de ibe ngowama- 30 Juni 2017 kuphela.*



## ISIKHOKELO ESITHE NGQO SOKUTHENGISA IPROPATHI YAKHO LANDELA ESI SIKHOKELO SOKUFUMANA ISIQINISEKISO SOKUCINYWA KWEERHAFU NGAPHANDLE KWAMAHLANDINYUKA

Ukuthenga nokuthengisa ipropathi kuquka umsebenzi omninzi wamaphepha enye into kwezo zinto kukufumana isiqinisekiso sokuba zihlawulwe iirhafu njengoko umthengisi enganelelwe ngokusemthethweni engenaso eso siqinisekiso.

1. Isicelo sesiqinisekiso sokuhlululwaw kweerhafu senziwa ligqwetha lokuthengisa ipropathi ingenguye umthengisi. Umasipala uya kusikhupha kuphela esi siqinisekiso esakufumana ifomu emiselwe oko eza-lisiweyo ehamba namaxwebhu ayimfuneko evela kwigqwetha lemihlaba. Umthengisi unoxanduva lokuhlulula zonke lindleko ezinxulumene noku nokuhlulula zonke lintlawulo ezingekahlawulwa kwamasipala.

2. Isicelo sesiqinisekiso sokuhlululwaw kweerhafu kwipropathi ekungakhiwanga kuyo (inxwi elingenasakhiwo) samkelwa ngokuba kuye kuhlulwa liSebe lezeMililo phambi kokuba igqwetha elibhalisa izindlu laziswe ngeemali ezingamatyala kuyo. Ukuba elo nxiwa linokufunyaniswa lililingumngcipheko kwezemililo kuza kongezwa idipozithi yokukhululwa kwesiza kuloo mali sele iqokelelwe ngaphambili ngaphandle kokuba inxiwa sele likhululwe, lahlolwa kwakhona laza lafunyaniswa lingengomngcipheko kwezemililo liSebe lezeMililo. Intlawulo yokukhululwa Inxiwa li-R1 100 kongezwe

neendleko zokukhululwa kwenxiwa eziza kubalwa ngokweSinikmaxabiso 1481/2014.

3. Iindleko zesicelo esenziwa ngesandla sesiqinisekiso sokuhlululwaw kweerhafu sithunyelwe nge-imeyile okanye ngefekisi sidibane nesiqinisekiso sokunika lxabiso ziba ngama-R451. Iindleko zesicelo esenziwa ngeKorbitec okanye nge-L@W siba li-R144 (le yindlela etshiphu). Qinisekisa ukuba igqwetha lakho lisenza kwi-intanethi isicelo sesiqinisekiso sokuhlululwaw kweerhafu.

4. Ukuthengisa kwayo nayiphi na ipropathi ephantsi kolawulo lweOverstrand iBhunga liza kukulibazisa ukubhaliswa kwayo ngokuthi lisibambe isiqinisekiso sokuhlululwaw kweerhafu de onke amatyala eerhafu, aweenkonzo nezinye neentlawulo eziqikelelwayo ezihlawulwa ngeli thuba zibanjiweyo isiqinisekiso zihlawulwe zonke ngokupheleleyo.

5. Isiqinisekiso sokuhlululwaw kweerhafu sisebenza iintsuku ezingama-90 kwaye imali ehlawulwayo iza kuquka imali yeenyanga ezi-4 zokuqokelelwa kwangaphambili namanye amatyala enawo le propathi.

6. Umasipala esakuyifumana ifomu ezaliswe ngokufanelekileyo uneentsuku ezilishumi (10) zomsebenzi zokudlulisa imali emele kuhlululwa aphinde

abe nezinye ezilishumi (10) zomsebenzi zokukhupha isiqinisekiso sokuhlululwaw kweerhafu nje ukuba kufunyanwe ubungqina bokuhlululwa.

7. Xa onetyala enesivumelwano nomasipala malunga netyala elo kwipropathi isiqinisekiso esimiselweyo njengoko kukhankanyiwe kwiSoloty 118 loMthetho weeNkqubo asiya kukhutshwa de lonke ityala lihlawulwe.

8. Abathengisi bayakhunjuzwa ukuba iifomu zokuqhawula amanzi nombane mazizaliswe ngokufanelekileyo ukwenzela ukuba ezi nkonzo zidluliselwe kumini omtsha (umthengi). Ngokunjalo abathengi beepropathi ezinee-metre zamanzi nezombane mabazalise iifomu zokubuyisela umbane namanzi. Ezi fomu ziyafumaneka kwi-webhusayithi yethu: www.overstrand.gov.za. Cofa ku-Forms, uye ku-Forms wandule uye ku-Revenue Application Forms.

9. Ukuba unombuzo unganxibelelana nomasipala ku-028 313 8000 ucel ukuthetha neofisi ye-Rates and Data Control. Kungenjalo ungathumela ifekisi ku-028 312 1894 okanye uthumele i-imeyile ku-enquiries@overstrand.gov.za.

*\*Amaxabiso anikwe apha asebenza de kube ngowama-30/6/2017*

## YILUMKELE I-POLYSTYRENE ngenxa yempilo yakho neyehlabathi

Ipolystyrene eyaziwa ngegama layo loku-ba yiStyrofoam ikhaphukhaphu yenziwe ngento enama-95% omoya neplastikihi esi-5% kwaye isetyenziswa ukugqama uphahla lwendlu nakwizikhishane nokubopha iikhompuyutha, iTV, nezinye izixhobo zombane. Ukusetyenziswa kwaye kuxhaphake kwishishini lokutya, kwitreyi zenyama, ezemifuno nezeziqhamo. Istyrofoam ikwasetyenziswa kwizinto zokuphatha ukutya xa ugoduka usuka kwivenkile yokutya nakwizinto eziphungwayo.

Yimveliso esekelwe kwi-petroliyam enesiseko esifana neoyile, ipetroliyam okanye irhasi, kwaye kunzima ukuphinda uyisebenzise. Istyrofoam ineehemikhali ezingayingozi kwabo bathatha inxaxheba ekuyiveliseni nakwabo batya ukutya okushushu okukwizitya zokuhamba nokutya. Ukufudumeza ukutya kwi-microwave kuyenza ibe yingozi ngokongezelelekileyo. Kwiqondo lobushushu obuzi- idigridi ezili-100 buyenza inyibilikele ekutyeni i-foam ikhuphe ivumba i-styrene eliyithyefu. Ezi khemikhali zichaphazelekile kumlaza, kwizigulo zesisu, ukungakwazi ukuzinza engqondweni nakwiingxaki zokuphefumla. Ukulungiselela ukhuseleko kucetyiswa ukuba ukutya makukhutshelwe kwisitya seglasi xa uza kufudumeza ukutya.

Zizixeko ezikhulu kuphela ezinazo iindlela zokwenza istyrofoam iphinde isebenziseke; ngako oko kwiindawo ezininzi eMzantsi Afrika eziquka iHermanus

ngenxa yobukhulu bayo ithatha indawo enkulu kwiindawo zokulahla inkunkuma. Nasemva kokulungiselelwa ukuba isebenze kwakhona asikukuba ingaguqulwa ibe zizinto zokukha ezongezelelweyo. Njengako konke ukulungiselelwa ukusetyenziswa kwakhona iguqulwa ibe zitreyi zasenkanti okanye ibe lungqameko lweefoto. Ngenxa yokuba ikhaphukhaphu iphephetheka njengenkunkuma ingene emilanjani naselwandle. Istyrofoam imbi ngokuqhekeka ibe zizicwibi ezincinci ezithi zixabe emqaleni kwiintaka nezilwanyana ezizitya zicinga ukuba kukutya. Ezi zilwanyana zidla ngokufa kuba iplastikihi iyaxinga ingetyiseki.

Ngonyaka eUSA, kusetyenziswa izigidi ezingama-25 zeemagi zeStyrofoam nto leyo embi kakhulu. Izixeko ezininzi namazwe apha ehlalathini akuvalile ukusetyenziswa kweStyrofoam - mhlawumbi nathi kufuneka sicinge ngokwenza oku. Akungengakuba akukho ezinye iindlela.

### ONOKUKWENZA

- xa kunokwenzeka thenga iziqhamo nemifuno engabotshwanga / engafakwanga plastikhini.
- Ukuba uyayitya inyama khangelalela izilaha ezisebenzisa ikhadibhodi okanye ezinye izinto ezifana nayo.
- Qinisekisa ukuba inyama yakho ifakwe kwikhadibhodi okanye kwinto onokuphinda uyisebenzise.
- Musa ukuthanga ikofu ekwiStyrofoam; khangelalela iimagi ze-ceramic, eze-eco, okanye ziphathele eyakho imagi.

## LONDOLOZA IPHEPHA, SINDISA UMTHI, impilo yakho neyehlabathi, BY NGOKUNGENA KWI-INTANETHI



Ngokusebenzisa i-Rates Clearance.com system iCandelo leeRhafu likaMasipala waseOverstrand lifumene esinye isiqinisekiso seMpumelelo ngagalelo lalo kwindolozo lokusingqongileyo nangokufikelela kumiselwe wokota ye-“Grow Your Tree”.

Oho kukhutshwa ngekompuyutha isiqinisekiso sokuhlululwa kweerhafu zikamasipala umasipala ukhusela malunga nomthi omnye ngesiqinisekiso esikhutshiweyo kwizicelo ezili-600 ezigqityiweyo.

Intlawulo ngesicelo esenziwa ngesandla sokuhlululwa kweerhafu nesokunika ixabiso esenziwa ngeimeyile okanye ngefekisi ngama-R451. Intlawulo ngesicelo esifana nesi esenziwa ngeKorbitec okanye L@W li-R144 (ngako oko sithiphu kunesenziwa ngesandla).

Kowama-2016 azikho ngaphantsi kwama-3 000 izicelo zeziqinisekiso zokuhlululwa kweerhafu ezikhutshwe ngekompuyutha nto leyo eyenze ukuba uKorbitec unike umasipala imithi iEureka lemon emihlanu ayinike abahlali baseZwe- lile uFrans Manyani (White City) noAyanda Ngonyama (Thambo Square). Eminye imithi iza kutyalwa eMshenxiswa Village.

Umasipala uyakuxhasa ukutyalwa kwemithi emizini elokishini kuba akukho mhlaba waneleyo apha ecaleni kwezitrato kwiindawo zamatyotombe. Kodwa ke yimithi ekhutshwe ngumasipala kuphela enokusetyenziswa ngale ndlela - ngaphandle kokuba umninimzi uza kuyijonga ngokupheleleyo imithi leyo.

Umasipala akanagunya kwimithi etyalwe kumhlaba wabucala kodwa uyakholelwa ukuba ukutyalwa kwemithi makukhuthazwe ngokuba kubekho iinkqubo ezingatshintshiyo zokutyalwa zixhaswe luluntu.

Ngako oko uMasipala waseOverstrand uyazamkela izicelo zabahlali abafuna ukutyalwa imithi kwimihlaba yabo kodwa kuxhomekeke ekubeni bayazibophelela ekubeni baza kuyinkcenkceshela de ibe midala.

“Injongo ephambili yokuhombisa amatyotombe kukugqula le meko yawo yothuli ibe yeluhlaza kwaye ibe ntle. Ngokufutshane kukudala indawo yokuhlala yabantu ehlekayo.”

## Izitimpi zeegarethi - COCA I-OVERSTRAND Mayimke inkunkuma!



Izitimpi zisigarethi ziya ziba ngowona mcimbi mkhulu wenkunkuma. Le ngxaki inyuke kakhulu kule minyaka idlulileyo ngenxa yokuba, esinye sazo, umthetho karhulumente awukuvumeli ukutshaya kwizakhiwo zikawonke wonke nakwiirestoranti. Oku kunyazela abatshayi ukuba batshaye phandle batsho bazilahle izitimpi.

Izitimpi zisigarethi zikhangeleka zizincinci kodwa xa kuqikelelwa ukuba zimalunga nezigidi ezingama-28,5 ezilahla ngonyaka kwindawo yokushishina yaseHermanus yodwa (indawo emalunga ne-0,25 km²), iikhemikhali ezibulalayo ziyongezeka.

“Sisafumana inkunkuma eninzi engena elwandle ingakumbi iziciko zeebhotile, iimfunxa nezitimpi zeegarethi. Abantu badla ngokucinga ukuba ezi zinto zizicwibi ezincinci zenkunkuma ezingayi kwenza mahluko, ingakumbi xa ziphoswe emibhobheni yamanzi amdaka,” utshilo uAnina Lee we-Whale Coast Conservation (WCV).

“Idabi lenkunkuma alipheleli nje kumaphulo okucoca koko ngokufundisa abantu ukuba bazi ukuba yintoni le bayilahlayo nendawo oko abakwenza kuyo,” woleke watsho.

Ngaphaya komgqibeko ocacileyo wemililo yamathafa izitimpi zeegarethi ezilahliweyo zidala uxinzelelo kwimixelo yethu yamanzi nakwindalo yaselwandle. Inkolo exhaphakileyo yeyokuba izitimpi zeegarethi zenza umgquba kodwa akunjalo. Iplastikihi ekwisitompungathatha iminyaka eli-10 phambi kokuba ibole. Kukho neekhemikhali kwizitimpi zeegarethi. Ezi khemikhali ziyingozi kwindalo eselwandle.

### Ngako oko ndingenza ntoni?

Ngalo lonke ixesha zilahle ngendlela enenkathalo izitimpi zeegarethi. Abantu abatshayayo, umzekelo, kufuneka bohlukane nokulahla izitimpi ngeefestile zeemoto okanye bazilahle engceni xa besebenzisa iindawo zikawonke-wonke ezifana neenkampu, ulwandle neendawo zokoya inyama.

Ungaphatha isityana sokufaka izitimpi (ungasithenga) okanye ungasebenzisa ibhotile engenanto okanye enamanzi.

Amashishini neminye imibutho efuna isisombululo saphakade sengxaki yezitimpi zeegarethi inganxibelelana no-Whale Coast Conservation ifune omnye wemigqomo elungiselelwe ukulahla izitimpi. Le migqomo iveliswa kwalapha ngako oko ibonelela ngemisebenzi. Unganikezela ngomgqomo oxabiso lawo lingama-R450. Xa ufuna ingcaciso eyongezelelweyo nxibelelana noAnina Lee ku-028 316 2527 okanye nge-imeyile anina.wcc@gmail.com.

• Nasiphi na isiganeko sokulahlwa kwenkunkuma ngokungekho mthethweni singaxelwa kwiOverstrand's control room ku-028 313 8000/8111. izikhalazo zamihla le zolwaphulomthetho mazaziswe ngokufonela ku-028 313 8980.



Emva kwemini ngeCawe, 21 Meyi 2017, iOVERSTRAND ARTS/KUNSTE (OAK) iza kuba nekhonsathi yepiyano eza kudlalwa yinjingalwazi eselula eliTaliyane. UGiovanni Nesi waziwa njengeyona mvumi lphambili yexesha layo, ufumene iimbasa eziliqela kwaye udale kwiindawo ezininzi eYurophu jikelele. Uza kudlala i-sonatas zikaBeethoven noSchubert.

Le khonsathi iza kuqhubekela eCivic Auditorium eHermanus kwaye iza kuqala ngeye-15:30. Fonela uBELLINI ku-028 312 4988 ubhukishe. Itikiti li-R130 nama-R60 kubafundi. Ukufumana iinkcukacha ezizezinye fonela uRené du Plooy ku-082 940 4238.



Giovanni Nesi



2017

## Iimbasa zikaSodolophu Isimetya sokutyumba

**Inqanaba 1: Ukubalasela kwabathathinxaxheba**

**Inqanaba 2: Owasesithyini wonyaka**

**Inqanaba 3: Ulondolozo lokusingqongileyo**

**Inqanaba 4: Ukuba ngusomashishini**

**Inqanaba 5: Obalaseleyo kwabatsha**

**Inqanaba 6: Uphuhliso lwezokhenketho nokuthengisa**

**Inqanaba 7: Amagosa onyaka aseOverstrand**

• Kummba wonikezelo ngeenkonzo

• Uncedo lwabantu

• Ukwenza izinto ezintsha

ezingaqhelekanga

Zalisa iifomu zokutyumba ezikwifosi kaSodolophu ufake iSIVI emfutshane yomtyunjwa neleta ecacisa ngokupheleleyo ebhalwe ngulowo utyumbayo.

Zonke iifomu zokutyumba mazithunyelwe kuDoret Taljaard ku- dtaljaard@overstrand.gov.za okanye zifakwe ngesandla kwiOfisi kaSodolophu ngomhla wama-30 Juni 2017 & kwaye imibuzo ingajoliswa kuSamantha Carelse ku-pro@overstrand.gov.za okanye iFoni: 028 3138193.

Umsitho weembasa zikaSodolophu uya kuba ngomhla wama-21 Septemba 2017